



Broj: 22-44-429/14
Sarajevo, 31.3.2014. godine

KANTON SARAJEVO
SKUPŠTINA KANTONA SARAJEVO
n/r Prof. dr. Mirjane Malić, Predsjedavajuća Skupštine
- o v d j e -

Predmet: Odgovor na zastupničku inicijativu Tarika Haverića, dostavlja se.-

Zastupnik Tarik Haverić je na 33. Rednoj sjednici Skupštine Kantona Sarajevo, održanoj dana, 17.3.2014. godine u okviru tačke dnevnog reda „Zastupnička pitanja, inicijative i odgovori“, podnio slijedeću zastupničku inicijativu:

„Budući da je Opština Stari Grad već pustila u funkciju Opštinski operativni centar civilne zaštite i izvršila nabavku opreme, a da je u toku provođenje nabavke u Opštini Novo Sarajevo – bez ikakvih garancija da će oprema biti kompatibilna – podnosim inicijativu da Kantonalni operativni centar CZ, prema Zakona o nadležnostima Kantona Sarajevo u oblasti zaštite i spašavanja (Službene novine Kantona Sarajevo br. 39/08), preuzme koordinaciju barem u četiri gradske opštine, kako ne bismo imali četiri različita tehnološko-organizaciona opštinska sistema, već jedan jedinstveni gradski i ako je moguće kantonalni.

Kvalitetno pripremljen elaborat od nezavisne ali akreditovane institucije znatno bi umanjio troškove opština, a Kanton i Grad Sarajevo bi dobili sistem obavještanja, javljanja i uzbunjivanja kojim bi se zadovoljili EU standardi“.

ODGOVOR:

Sva pitanja koja se odnose na organizaciju i način rada operativnih centara civilne zaštite regulisana su u odredbama čl.148. do 163. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), kao i odredbama Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08 i 19/11), dok je bliže, odnosno detaljnije razrađivanje izvršeno u Pravilniku o organiziranju i funkcionisanju operativnih centara civilne zaštite („Službene novine Federacije Bosne i Hercegovine“, broj: 8/07 – u daljnjem tekstu: Pravilnik o operativnim centrima), koji je donesen na osnovu člana 158. Zakona o zaštiti i spašavanju.

U skladu sa navedenim zakonskim odredbama na nivou Kantona Sarajevo u sastavu Kantonalne uprave civilne zaštite formiran je Kantonalni operativni centar civilne zaštite, koji radi neprekidno 24 sata svaki dan, dok su općinski operativni centri civilne zaštite formirani u sastavu općinskih službi civilne zaštite.

Inače, treba istaći, da Kantonalni operativni centar i općinski operativni centri civilne zaštite prikupljaju i obrađuju podatke o svim vidovima opasnosti, vrše uzbunjivanje i upozoravanje građana, prenose naređenja nadležnog štaba civilne zaštite, oglašavaju prestanak opasnosti te primaju, pripremaju i šalju izvještaje o preduzetim mjerama, provedenoj mobilizaciji i drugim mjerama i aktivnostima nadležnim organima vlasti, susjednim općinskim i kantonalnim operativnim centrima, kao i Federalnom operativnom centru civilne zaštite.

Vezano za opremanje operativnih centara civilne zaštite neophodnim materijalno-tehničkim sredstvima i opremom u skladu sa odredbama Zakona o zaštiti i spašavanju i Pravilnika o operativnim centrima, Federalna uprava civilne zaštite je izradila projekt „Tehničko-tehnološko i organizacijsko rješenje sistema za komunikacijsku i informacijsku podršku Federalnog operativnog centra civilne zaštite (FOC CZ)“, kao i projektni zadatak „Sistem za komunikacijsku i informacijsku podršku operativnih centara civilne zaštite u kantonalnim upravama civilne zaštite“ (u prilogu se između ostalog nalazi i specifikacija opreme za općinske operativne centre civilne zaštite), kojima se na jedinstvenim osnovama rješava pitanje opremanja svih operativnih centara civilne zaštite, te postiže kompatibilnost sredstava i opreme u Federalnom, kantonalnim i općinskim centrima civilne zaštite. Navedena projekta dokumenta su dostavljena svim kantonima i općinama u Federaciji BiH na osnovu kojih bi se trebalo realizovati projekti opremanja kantonalnih i općinskih centara civilne zaštite.

S tim u vezi, Kantonalna uprava civilne zaštite je izradila projekat: „Sistem za komunikacijsku i informacijsku podršku Kantonalnog operativnog centra civilne zaštite u Kantonalnoj upravi civilne zaštite Kantona Sarajevo“, čija će implementacija početi čim se završi projekat: „Adaptacije i prilagođavanja prostorija Kantonalnog operativnog centra civilne zaštite u Kantonalnoj upravi civilne zaštite Kantona Sarajevo“.

Također, i pojedine općinske službe civilne zaštite (Centar, Novo Sarajevo i Vogošća) su na osnovu navedenih projekta Federalne uprave civilne zaštite, napravile projekte za svoje općinske operativne centre civilne zaštite i krenule u njihovu realizaciju po fazama, kojima je osigurana kompatibilnost sredstava i opreme sa Kantonalnim i Federalnim operativnim centrom civilne zaštite.

Vezano za uzbunjivanje građana, treba reći da je to u skladu sa čl. 53. Pravilnika o operativnim centrima nadležnost općinskih operativnih centara civilne zaštite, koji po potrebi putem sirena emituje signale za uzbunjivanje (opće opasnosti i prestanka opasnosti).

S obzirom, da su sredstva za uzbunjivanje – sirene u toku i poslije rata (dok su bile u nadležnosti Federalnog ministarstva odbrane) u velikom broju uništene i oštećene, pojedine općine su krenule u revitalizaciju i stavljanje u funkciju sistema za uzbunjivanja na području svojih općina.

Tako su općine Centar i Novo Sarajevo, imajući u vidu da su gotovo sve sirene na području njihovih općina bile uništene i oštećene, napravile elaborate, odnosno idejne projekte za uzbunjivanje na području svojih općina i u skladu sa istim krenule u daljnju proceduru u skladu sa Zakonom o javnim nabavkama Bosne i („Službeni glasnik Bosne i Hercegovine“, br. 49/04, 19/05, 52/05, 8/06, 24/06, 70/06, 12/09, 20/09, 60/10 i 87/13), koje će realizovati u narednom periodu. Navedenim projektima je predviđeno rješenje da van radnog vremena Kantonalni operativni centar civilne zaštite u skladu sa propisanim procedurama, može emitovati signale za uzbunjivanje.

Vezano za općinu Stari Grad, obavještavamo Vas, da ona još uvijek nije pokrenula aktivnosti na izradi projekta uzbunjivanja na svom području, već je samo Općinska služba civilne zaštite u 2012. godine nabavila tri nove pneumatske sirene za lokacije na kojima se sirene bile potpuno uništene u ratu (zgrade općine, OŠ na Hridu i OŠ na Sedreniku).

Na kraju naglašavano, da će kao krajnji rezultat implementacije projekta „Sistem za komunikacijsku i informacijsku podršku Kantonalnog operativnog centra civilne zaštite u Kantonalnoj upravi civilne zaštite Kantona Sarajevo“, biti izgradnja kompletnog sistema za komunikacijsku i informacijsku podršku organa civilne zaštite (Kantonalne uprave civilne zaštite i Kantonalnog štaba civilne zaštite) Centra 112, po modelu zemalja Evropske unije, kojim se omogućuje integracija različitih podsistema za pomoć u hitnim situacijama u integralni sistem zasnovan na sofisticiranom komunikacijskom, informatičkom i logističkom podrškom, koji će osigurati Kantonalnoj upravi civilne zaštite i Kantonalnom štabu civilne zaštite njihovo efikasno funkcionisanje i upravljanja u slučaju pojave prirodnih i drugih nesreća.

S poštovanjem,

Dostavljeno:

- Naslovu
- a/a

DIREKTOR

mr. Mustafa Kovač



E-mail: kucz@kucz.ks.gov.ba; www.kucz.ks.gov.ba
tel: + 387 33 201 595; + 387 33 443 720; fax: +387 33 560 453
71000 Sarajevo, Hamida Dizdara 1